



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 35. Sessio IX.

[urn:nbn:de:hbz:466:1-66272](#)

Sæcul. XV. dissidia ad examen vocarent, quæ tamen
A.C. 1415. nonnisi longo ex post tempore sopita fuere.

§. XXXV.

Sessione nona.

Labb. Conc. tom. 12. p. 52. Die decima tertia Maji celebrata est Sessione nona. Post Missam solemnem, sermonem, precesque consuetas, Benedictus Gentianus Benedictinus, legit Universitatis epistolam ad Synodum & Imperatorem directam, in qua eos ad unionis negotium, insuperhabita Pontificis fuga, strenue prosequendum adhortatur. Absoluta hac lectione Antonius de Piro, & Joannes de Scribanis Concilii Promotores assurgebant, horumque primus verba faciens, postulabat, ut ex eo, quod Joannes Papa vocatus, unacum suis fautoribus nec per se nec per alios comparuisset, adversus eum judiciaria institueretur actio, simulque ad instituenda judicii acta nominarentur Commissarii; insuper proposuit, Patres legum necessitate obstringi, ut Papam ab omnibus Pontificatus sui functionibus suspensum declararent, si iterato ad valvas Ecclesiæ more consueto citatus fuisset. Ad hæc Cardinalis Florentinus assurgens dixit, Papam ad quosdam Purpuratos missione mandatum, eoque ex illis tres ablegasse Procuratores nomine suo coram

ram Synodo comparituros, atque ad accusationum capita responsuros, scilicet Petrum de Alliaco Cardinalem Cameracensem, Guilielmum Cardinalem S. Marci, & se Cardinalem Florentinum. Ast tam a se, quam a suis Collegis hanc provinciam esse recusatam, ideoque Papam ad subeundum hoc negotium illos dato Brevi adhortatum fuisse, hoc tamen insuperhabito, cum ceteri duo Pontificios Procuratores agere renuissent, nec se hoc munus suscipere velle. Ejusdem etiam sententiæ erat Cardinalis S. Marci, Cardinalis vero Cameracensis declaratio, cum absens esset, ignorabatur.

Sæcul. XV.

A.C. 1415.

§. XXXVI.

*Joannis mandatum a Synodo
rejectum.*

Post hæc Promotores Concilii, quantum in ipsis erat, exposito cessionis mandato obliktati sunt, declarantes, Papam, cum de citatione personali ageretur, per se ipsum, non vero per Procuratores comparere teneri, certum quoque esse, Joannem, eoquod ejusmodi Procuratores nominasset, citationis factæ notitiam habuisse, proin illum contumacem esse, satis comprobari.

D 2 §. XXXVII.